

Cest assavoir que ledict prince doit premierement enuoyer secretement deuers le prince a qui il veult faire presenter l'espee pour sauoir se cest son Intencion de l'accepter ou non pour faire apres plus publicquement les serymones qui y appartient comme cy apres sensuult ou cas qui le voudra accepter. **C**est assavoir que ledit prince voyant toute sa baronnie ou du moins grant quantite de cheualiers et esauers doit appeller le roy d'armes de la contrée car a lui appartient deuant tous d'armes. Et sil ny est en son absence quelque herault notable Et en lui baillant vne espee rabatue de quoy on touznoye lui doit dire les parolles qui sensuient. **M**ais pour mieulx en faire entendre la facon sera icy prins par similitude Le duc de Bretagne pour appellent de l'ung des costes Et le duc de Bourbon pour deffendant de lautre Et pour tous blasons necessaires pour ce present touznoy ne me ayderay que de blasons controuuez a plaisir. Ainsi doncques sensuient les parolles que dira ledit seigneur duc de Bretagne appellent audit roy d'armes. En lui baillant vne espee de touznoy telle comme cy apres est figuree.

Cy est la facon et maniere comment le duc de Bretagne appellent baillie l'espee au roy d'armes pour le enuoyer presenter au duc de Bourbon deffendant.